



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

2. Longè meliorem esse pauperu[m], quam diuitum condicionem.

urn:nbn:de:hbz:466:1-45699

si protinus infundant, & ingentem calicem impletum tradant eque atq; ipsi Domino, ut q; unum & idem vinum conuiuis sit omnibus. Alioqui ubinam ista lex scripta fuit, aut receptus mos, ut hic vino odorato generosoq; temulentus sit, mihi contra masto disrumpatur alius? Hac si correxeris, nouari q; Saturne, tum demū effeceras, ut vita verè vita sit, festum verè festum; sin minus, illi quidem epulentur, nos autem interim sedentes precabimur, ut simul atq; loci venerint, puer subuersam amphoram rumpat, ut q; coquus jus adurat, ac per obliisionem muriam piscium in lensem infundat, ut q; canis in domum irruens opsoniorum artificibus alibi intentis exta deuoret uniuersa, praterea placent & dimidiū. Ut q; sus ac cerus neque non facule inter assandum idem faciant quod Homerius de Solis bobus commemorat: immò uti non serpent solum, verum etiam una cum ipsis verubus in montem abripiant se, fugiantq; ut q; ipse etiam aues pinguis iam ademptis plumis & ad coquendum appareata volatu aufugiant, ne soli illis fruantur: quodq; futurum est illis gravissimum, ut formica tales, quales feruntur Indicae, aurum è thesaureis effossum, noctu in publicum efferant: ut q; vestis curatorum indigentia ita ab optimis muribus perforetur, ut cribrum videri posit, nihilq; differat à cassé venatorio, ut q; formosi illorum comariq; puelli (quos Hyacinthos, aut Achilles, aut Narcissos appellare solent) dum ipsis populous porrigunt, subito defluente coma calvi fiant, & acutam edant barbam, cuiusmodi in comedij induci solent Sphenopogones, quibus à cuneata barba nomen inuentum est, ut q; vertex illis asperis ac pungentibus pilis sit hirsus, reliqua capitii parte nuda. Hac atq; his etiam plura illis imprecabimur, nisi desinant usq; adeò suis primatim studere commodis, ve- lintq; in commune diuites esse, nobis quoque, quantum aequum est, imparentes. Hac ad Saturnum pauperculus quidam de famelica hominum natione scripsisse, contra diutes auaros, fingitur, ad inducendam quamdam bonorum omnium aequalitatem, de qua veteres Philosophi sepe disputauerunt.

II.
Apud Luc.
ep. 1. Satur-
nali.

Ad hanc epistolam fertur respondisse Saturnus, bonorum de novo partiendi potestatem, ad se amplius non pertinere, sed regnum suum non nisi ad taxillos vsque, saltationes, cantiones & ebrietatem, & quideam per septem duntaxat dies, se extendere. Iouis esse negotium statuere de tollenda rerum inaequalitate, utque ex aequo omnes aut opibus abundant, aut egeant. Mentem mandatumque suum

suum esse, vt diuites de cenis, deque auri hemina, neque non de vestibus etiam pauperibus ad celebrandum festum non nihil mitant. Ceterum pauperes longe falli, neque recte iudicare de diuitibus, cum illos felices arbitrentur, solosque suauem vitam viuire, propterea quod illis liceat opipare coenare, vino suavi inebriari, vestibus vti delicatis: verum istam felicitatem cuiusmodi sit, ignorare; siquidem haec res eos curis non mediocriter distorqueant, cogi enim eos vt singulis inuigilent; ne quid rerum domesticarum dispensator fraudet, aut clanculum suffuretur, ne vinum acescat, ne frumentum vermbus corrumpatur, ne latro tollat pocula, ne populus credat calumniatoribus, si talem dixerint affectare regnum. Ad haec, si noscent pauperes metus & curas, quibus obnoxij sunt diuites, planè fugiendas sibi esse diuitias existimatos. Quod nisi ita esset, Saturnum non usque adeo insanum fore, vt, si præclaræ res esset opulentia, aut regnum, depositurus haec, alijsque ea celsus fuisset, patereturque, vt nunc priuatus alieno pareret imperio. Igitur potius se, cum non esset ignarus huiusmodi malorum, quæ plurima diuitibus ac regibus necesse est adesse, imperium sapienter deposuisse. Addit postea commoda diuitium, quæ pauper magna existimet, non esse commoda. Verum quidem esse, diuites apries, & placentis expleri, pauperes autem nasturtium porrumue, aut cepe per festi tempus, opsonij loco, arrodere; idque illis dulce, his insuuae esse, sed id intra breve tempus inuerti; cum pauperibus deinde non accidat, vt postridie surgant capitis dolore grauati, ob temulentiam, quemadmodum diuites, neque ob immodicam ingurgitationem graueolentem & acrem spiritum ructare pauperes, neque facilè sibi vel tabem, vel tussim, vel morbum intercutem, ex intemperato voluptatum vsu colligere. Paucos autem videri diuites, qui non planè paleant, ac faciem cadauerosam præ se ferant; paucos, qui cum ad senectutem pertuerint, suismet pedibus ingrediantur, ac non potius à quatuor baiulis gestentur: foris quidem totos eos esse aureos, intus autem putres ac pannosos, cuiusmodi sunt tragica indumenta, ex pannis admodum vilibus consarcinata. Enimvero ipsis quoque opulentis non dulce esse, quotidie supraque satietatem pretiosis vesci; sed gustus variandi cauilla nonnumquam ita olus ac lupinum appetere, vti pauper non

D

aque

æquè appetat leporem, aut aprum. Esse præterea illis mille cruces à filijs, ab vxore, à famulis, & vnde non? quæ omnia pauperes cùm ignorent, tantùm aurum diuitum ac purpuram aspiciant; & si quando vident eos albo prouehi curra, inhient & adorent. Quòd si illos contemnerent, negligenterque, neque ad argenteum currum oculos haberent intentos, neque inter colloquendum smaragdum annulo inclusum respectarent, neque vestes obiter contrectantes molliciem admirarentur, sed sinerent eos ipsos sibi diuites esse, haud dubium futurum esse, vt ipsi egenos vltro adirent, ad cœnam rogarent, nimirum vt illis ostendere possent letos, mensas, ac pocula. Quarum rerum nulla sit utilitas, si sine teste possideantur. Certè hæc talia pleraque à diuitibus pauperum cauilla parari, non vt vtantur ipsi, sed vti ea pauperes admirarentur. Hucusque Saturnus apud Lucianum ad pauperes, qui hanc addit denique coronidem: *Hec ad consolandos vos scribo utramque vitam cognitam habens. Conuenitq; ita festum agere, ut cogiteis omnibus breui deceendum è vita, & illis, depositis opibus, & vobis relicta paupertate.*

III.

His talibus argumentis solabantur pauperes philosophi fabulantes, eademque erat ratio, vt opinor, Aristidæ, qui multò iustius se paupertate gloriari posse credidit, quam Calliam Atheniensium ducem opum amplitudine & copia: nemini cam rem indecoram esse dictans, nisi qui paupertatem inuitus ferret. Nemo profectò sapiens vel alij suaderet, vel ipse diuitias abiiceret, nisi manifestò videret, pauperibus melius esse, quam Midis illis, quibus dum omnia in aurum vertuntur, esuriunt & sitim patiuntur. Neque enim aut pro vino, aut pro culina audent nummos expendere. Itaque & alij sapientes, vt diuitiis demerent supercilium, paupertatem permulcere maluerunt. *Putemus nos ad concionem vocatos, ait Senec. ep. 87. Lex de abolendis diuitiis fertur, his interrogationibus suasuri, aut dissuasuri sumus? his effecturi, ut populus Romanus paupertatem, fundamentum, & caussam imperij sui requirat ac laudet? diuitias autem suas timeat? ut cogites hasc apud viatos reperiisse? Hinc ambitum, & largitiones, & tumultus in urbem sanctissimam temperantisimamq; irrupisse? nimis luxuriosè ostentari gentium spolia? quod unus populus eripuerit omnibus, facilius uni ab omnibus eripi posse? Hac satius est suadere, & expugnare affectum, non circumscribere.* Eadem